

Dialuna atardi gremionan a yega na un acuerdo

Si no por haya un aplazamento di e leyman, lo tin accionnan mas activo entrante Januari 2004



ORANJESTAD (AAN)—Dialuna atardi, gremionan sindical y comercial a sinta den un reunion cu nan miembronan cu e meta di demostra e solidaridad di ambos banda referi cu e ley di AZV cu a worde proba den Parlamento, siman pasa.

Al respecto, a worde informa, cu for di e principio e gremionan aki tabata dispuesto pa carga responsabilidadnan cu e cambionan den e ley di seguro social, cu e condicion cu esaki mester tabata bon studia. Lo anterior kiermen cu tabata tin un proceso andando unda e partnernan social lo tabata parti activo den e decision aki, di repente a bin e ley cu a pasa, caminda e discusionnan no a tuma lugar.

Den un conferencia di prensa, Dialuna atardi, e gremio comercial a señalá den un resumen locual a sosode. Prome cu esaki tuma lugar, nan a sinta hunto pa vocifera nan inquietud, esta

pa no pasa e ley sin haci un estudio preliminar pa wak kico tabata e impacto, tanto pa dunador di trabao como pa e empleadonan, pasobra esakinan ta esnan cu ta alimenta AOV/AWW/AZV cu su placa.

Durante e proceso a trece riba mesa e preocupacion y a worde haci un peticion pa asina por studia e decision aki di un forma mas profundo. Na otro banda, a ser indica cu lo tin consecucionnan si esaki no

tuma lugar, pero a pesar di tur lo anterior e ley a pasa, Jani Croes a subraya.

Dialuna atardi, gremio comercial a informa cu despues cu nan a sinta cu nan miembronan a worde tuma e decision cu nan no mishi cu e cartera di e comerciantenan ni di e trahadonan. “Nos ta tuma accion den temporada di Pasco por lo menos cu e meta di trece informacion y pa trece tur e cifranan real di e consecuencia cu esaki lo bay tin pa un y tur y tambe pa

tin un linea di comunicacion hopi estrecho cu tur gremionan sindical y comercial”, Jani Croes a bisa.

Banda di esaki, a worde manifesta cu lo bay

estructura e accionnan mas activo a partir di Januari, den caso cu no por haya un aplazamento di e proceso cu e ley tin andando aworaki, Croes a laga sa.

Candela misterioso riba dialuna anochi



ORANJESTAD (AAN): Bomberonan aki ta check algo misterioso den un cas na Boylestraat, cu Dialuna anochi tabata na candela.

Autoridad ta investiga si acaso ta trata aki di un candela intencional. Bombero a actua rapido pa paga e candela den e zona habita ey.

COMPETENCIA TA SANO!!



ROLAND, SCHUIF TUR MEETING TE DESPUES DI ELECCION!!

NEL, ISAAK TA WAAK MI STRAIGHT, STRAIGHT DEN CARA, CON MI TIN CU SACA CURPA E BIAHA AKI, NOS NO POR SIGI SCONDE!!

BEST DEAL

Tel: 827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 865455

Tur decoracion di Pasco, cumpra un haya un GRATIS.

E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM